

VI-2

Struz / (Strutio) valde calidus est, et de natura bestiarum in se habet. **2** Nam pennas volucrum habet, sed cum eis non volat, quia velut bestia velociter currit, **3** et pennas ad saltus levat et sic currit, atque circa terram versatur, **4** et mundis pascuis vescitur. Et tanti caloris est, quod ova eius conburerentur, et quod fetus non proferret si illa per se foveret; et ideo illa in sabulo abscondit, **5** qui et humorem et calorem habet et in ipso fovetur. **6** Sed postquam pulli de ovis illis exierint, post matrem et cum matre currunt, velut alii pulli faciunt. **7** Homo autem qui **uallende siuchte** habet, de carnibus strutionis sepe comedat, et ei vires tribuunt, **8** atque insaniam caduci morbi ei auferunt. **9** *Nam calor et fortitudo carniū strutionis exterritum et in debilitate fortem morbum istum sedant.* **10** Sed et pinguis et fortibus hominibus caro eius ad comedendum bona est, **11** quoniam superfluas carnes eorum minuit, **12** *quia forti calore suo fetidos et superfluos humores devastat,* **13** et eos fortes facit; **14** macris autem et **15** infirmis non valet, **16** quia eis ad esum nimis fortis esset. **17** Et qui melancholicus est, **18** ita quod gravedinem et torporem mentis habet, **19** de iecore eius sepe comedat, **20** *propter fortitudinem caloris sui,* **21** et melancoliam in eo minuit, atque mentem ipsius alleviando suavem et blandam facit. **22** *Quoniam bonus calor et bona virtus eiusdem iecoris frigiditatem melancolie consumit.* **23** *Ova eius ad comedendum non valent, quoniam* **24** *si eas homo comederet,* **25** *infirmiorem ipsi inducerent,* **26** *propter nimium calorem earum et quia etiam aliquantum* **27** *venenosa sunt.* **28** *Sed si quis hydropicus est, testas eorundem ovorum de quibus pulli egrediuntur, in pulverem conminuat, et pulverem illum in aquam ponat, et eum tam pransus quam ieiunus sepe bibat et curabitur.* **29** *Nam teste ovorum egredientium pullorum contra morbum istum accipiuntur, quia per egredientes pullos mundate sunt, quoniam feditatem que in eis fuit secum abduxerunt, fortis autem calor qui eadem testas perfudit, aquam que in ydropico est consumit, et siccitas ipsarum eandem aquam exsiccat et in aqua sumetur, ut per mundam aquam immunda aqua ydropici mundetur.* **30** Cor autem strutionis et pulmo et cetera que in eo sunt, ad medicamenta non valent, quia nec virtutem volucrum nec virtutem bestiarum perfecte habet.

VI-3

Pavo calidus et humidus est, atque de natura volucrum atque de natura bestiarum in se habet. Et vox eius secundum volucres et secundum bestias permixta sonat. **2** Nam antequam pavo esset, quedam bestiole libitu suo quibusdam volucris se commiscuerunt in coitu, et inde pavones facti sunt. Et pavo acer et astutus est, et altitudinem aeris non multum alte in volatu petit. Et pavo qui masculus est tortuosos et incestos mores habet,